



Bentiarq Ottosen

UPA 2026/148-1

Atassut

9. Juni 2026

Putsup gassiinut imermik saligutikumik umiarsuit Kalaallit Nunaata imartaani kuutsitsinissaanik inerteqquteqarnissaannik, Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Atassut partiiuvoq nunatta ineriartorneranut akisussaassuseqartumik ingerlatsinissamut anersaaqartoq, innuttaasut atugarissaarnerat kiisalu inuusutissarsiornikkut periarfissat pitsaasut pingaartillugit kiffartuussisoq.

Atassummiit pingaartilluinnarparput avatangiisit illersorneqarnissaat, kisiat aamma inuusutissarsiornikkut ineriartorneq eqqorneqarnani ingerlatsiffiusoq. Atassut pingaartumik putsup gassiinut imermik saligutigumik umiarsuit Kalaallit Nunaata imartaani kuutsitsinissaanik inerteqquteqarnissamik siunnersuuteqarneq pingaartuussasoq ersarissarluarneqarnissaa.

Avatangiisitsinnut illersuisumik imartatta mingutsinneqannginnissaat anguniarlugu aalisarnikkut piniarnikkullu pingaaruteqassasoq, aappaatullu ersarilluinnartumik oqariartuutigerusupparput pinngortitami piujuartitsisumik atorluarneratigut kinguaariit tulluuttut aammalu iluaqutigisinnaasaanik uummassuseqarnikkut ineriartornerup innarlinginnissaanut siunertat pitsaasuusinnaasut.

Atassut isiginiarusuppaa aamma ullumikkut inoqarfinni isorliunerusuniittuni illuni anartarfeqannginneq peqquataalluni iluaqutaassasoq una siunnersuut oqallisigiinarnagu pimoorussamik uukkatarineqartariaqartoq piffinni assigiinngitsuni pissutsit ilungersunartut isiginiarneqarnissaat. Akisussaassuseqartumik aaliangersaasagutta umiarsuit piinarnagit aamma inoqarfiit isorliunerusuni taaneqartartut pillugit qaqitsilaarnissaq. Nunatta avannaani ajornartorsiut annertoorujussuuvoq tamannalu isiginiarneqarnissaa aamma pingaartuuvoq.

Atassutip isiginnittaasia naapertorlugu inuusutissarsiornermik ingerlataqartut soorlu nioqqutissani assartuusinermi, takornariaqarnermi inuiaqatigiit akornanni pingaarutilinni inissisimasuni periarfissat pitsaanerusut ingerlanneqarsinnaanerat. Maannakkut pissutsit piviusut qiviassagutsigit takornariaqarnikkut umiarsuit ingerlaarfimmini umiarsuarni mingutitsisarnerit inerteqquteqalernissaq piviusorsiortuusariaqartoq, eqqarsaatigissavarpummi inuusutissarsiutigit aalisakkat aammalu uumasut allat nunatta aningaasarsiorfigilluugaat. Taakuummatami nunatta aningaasarsiornikkut ingerlatsineranut aaliangiisuunerpaasartut taamaattumik isumaqarpugut inerteqquteqartitsilerneq tassaasoq pitsaasuusinnaasoq.



Atassut naapertorlugu uppersarneqarsinnaappat putsup gassiinut imermik saligut imartatsinnut kuutsinneqartartartoq, aalisakkanut kiisalu avatangiisitsinnut ajoqqutaasoq, misissueqqissaarnermilu nerisaqaqatigiiaanut ajornartorsiortitsilersimasoq qiviagassaqarpugut nalilersorlugulu imartatsinnut kuutsinneqartoq navianartuusoq taava inerteqquteqarnerit aallartinneqarsinnaasapput. Atassummiit nalilersuinissatsinnut piareersimavugut aammalu avatangiisit illersorniarlugit suliniutit tapersersorpagut, kisianni inerteqquteqartitsinerup atuutilersinneqannginnermini aningaasatigut kingunissai aammalu inuussutissarsionermut sunniutai nalilersorneqarnissaat pingaaruteqartipparput.

Taama oqaaseqarluta Naalakkersuisut allannguutissatut siunnersuutaat isumaqatigaarput, Eqqissisimatitsinermut Avatangiisinullu Ataatsimiititaliamut innersuullugu inassutigaarput.